



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Qu. III. De Dispositione requisitâ ad effectum Martyrii.

---

[urn:nbn:de:hbz:466:1-72963](#)

## QUÆSTIO III.

*De Dispositione requisita ad Effectum Martyrii.*

**D**I CO I. Ad effectum Martyrii non requiritur per se in peccatore contrito seu actus charitatis Dei super omnia. Ita communius Doctores. Probatur: quia *Martyr* juxta Patres Martyrium est efficacius Baptismo; sed hic non requirit perfectam contritionem, ergo nec Martyrium. Deinde *Martyr* juxta Patres Martyrium delet peccata; non deleret autem si prærequiseret talen dispositionem, utpote per quam semper delcta supponerentur.

Nec obstat Apostolus 1. ad Cor. 13. dicens: *Etsi tradidero corpus meum ita ut ardorem, charitatem autem non habuero, nihil mihi prodest.* Nam loquitur de iis, qui nec charitatem habent, nec ad eam sunt dispositi, nempe qui Ecclesiam scandunt, sectas suscitant vel alii peccatis mortiferis affectu inhærent; non autem de iis qui per attritionem & penitentiam ad charitatem tendunt. Eodem modo dicere potuisset Apostolus: *Si Baptismum recepero, charitatem autem non habuero, nihil mihi prodest:* ex quo tamen non sequitur, ad Baptismum requiri perfectam contritionem. Aliæ explications videantur apud alios.

Dixi in Conclusione *per se*: *quia per accidentem ratione extrinsecæ obligationis* potest requiri contrito seu actus charitatis, v. g. si Martyr non eliciisset actum charitatis, teneretur tunc elicere ad præceptum dilectionis Dei implendum. Similiter si esset in mortali, teneretur confitentia copia Confessarii, alioquin conteneretur & si non esset baptizatus suscipere Baptismum: cum enim Martyrium non sit medium ordinarium ad salutem non excusat à mediis ordinariis, quando possunt adhiberi. Quod maliò certius inde fit, quod adhuc non sit sat's compertum, Martyrium justificare sine contritione aut actu charitatis, cum multi Doctores, etiam Recentiores post D. Bonaventuram 4. d. 4. p. 2. c. 1. q. 2. contradicant, quilibet autem teneatur ex charitate propria providere sibi de securiori salutis aeternæ medio, nec possit tam incerto esse contentus, ubi certius est ad manum.

**D**I CO II. In peccatore ad minus requiritur attritio supernaturalis. Est communis contra Vega lib. 6. in Trid. 1. 37. & paucos alios, putantes sufficere voluntatem moriendi pro Christo atque ullo dolore de peccatis. Probatur Conclusio: *qua ab absque ullo dolore, vel cum aliquo quidem, sed qui ad minus non sit attritio supernaturalis, non tollitur obex, nec homo sufficienter retractat sua peccata, ut ei Sacra menta*

23.  
Gratia seu  
privilegium  
Martyrii  
habuit vim  
ante mor-  
tem, immo  
incarnatio-  
nem Chri-  
sti.

*Etiam in  
parvulis,*

*Et quidem  
ab initio  
mundi.*

poenam istius venialis. Hoc tamen non est natum fieri in Martyrio, ob instantem mortem, quæ acceptatur: ideoque supponit Ecclesia, Martyres immediate post mortem beatificari & accipere aureolam Martyrii. Immo casu quo Martyr moreretur ab lique sufficienti retractatione peccati venialis, censendum videtur illud simul cum pena temporali condonari in primo saltem instanti post vitam intuitu præcedentis Martyrii, accedente tunc retractatione sive contritione, saltem velut conditione sine qua non: nam certius est Martyrem verum generaliter mox à morte sine poenarum passione esse beatum, neque esse pro illo orandum, quâm eum numquam mori nisi prius retractato quolibet veniali, cui interdum stabiliter adhærebatur; adeoque istius assertio debet ab hoc esse independens.

Potes, an privilegium Martyrii habuerit locum etiam ante Christi adventum? Resp. affirmativè contra Nonnullos. Patet ex Machabæis, qui tamquam Martyres ab Ecclesia coluntur. Unde *Nazianzenus* orat. 20. quæ est de Machabæis, docet, illos in fide Christi consecutos esse justitiam & effectos esse nive candidiores. Consentit etiam *Tertullianus*, quem refert, & sequitur *Henriquez lib. 2. c. 36 num. 1.* Confirmatur: quia gratiam Martyrii suâscit ante passionem Christi, ac Legis novæ institutionem; veteri adhuc obligante, patet exemplo Martyrum Innocentium & Joannis Baptista: quidni ergo pariter fuerit ante Christi adventum? Neque tantum in adultis (ut vult *Vasquez d. 153 c. 7. nn 81.*) sed etiam in parvulis, v. g. propter legem Judaciam ante Christi adventum imperfectis, ut locum habuit in Martyribus Innocentibus Christovix nato occisis. Immo videtur hoc privilegium ab initio mundi exstitisse: neque enim videtur credibile, non fore Martyrem cum privilegio remissionis totius culpæ & poenæ, & aureolare; si quis ab infuso mundi mortem gustasset ab impiis, nolens adorare idola vel deferrere verum Dei cultum, aut contra illius mandatum offendere. Nec minoris est laudis id fecisse ante Christi adventum, ejus exemplo neicum ostendo, quâm posteaquam Christus passus nobis reliquit exemplum imitandi vestigia ejus. Attamen Christo neicum passo, etiam nato & prædicacione factâ, Martyres sive veteris Testam̄enti, sive novi (si quis ante passionem Christi mortem adultus oppetriisset pro illo, uti operierunt Innocentes, & Joannes Baptista pro virtute) cum cœli janua neicum pataret, non fuissent statim cœlum ingressi, uti nec baptizati tunc mortui. Fatendum equidem Patres juxta exigentiam materiæ præcipue seu serè loqui de Martyrio novi Testamenti, in quo etiam privilegium istud divinum est à Christo expressius declaratum, & frequentius usurpatum.

menta mortuorum conferant gratiam: ergo nec ut Martyrium illam conferat: est enim in hoc paritas. Quando autem Patres majorem efficaciam adscribunt Martyrio, quam Baptismo loquuntur de majori efficacia in conferenda gratia ampliori, non autem in ordine ad agendum in subiectum minus dispositum.

Adverte tamen subinde sufficere attritionem virtualem, v. g. actum spei, in eo, qui non recordatur sui peccati, aut obligationis elicendi formalem poenitentiam, cum totus est occupatus in se animando contra mortem. Talis enim actus est ejusdem bonitatis cum attritione, & avertit hominem virtualiter à peccato; adeoque sufficit cum Martyrio: sicut extra Sacramentum & Martyrium actus charitatis justificat peccatorem, saltem dum est immemor suorum peccatorum. Immo generaliter vix continget aliquem Catholicum propter Christianam virtutem oppetere mortem, quin consequatur fructum Martyrii; eò quod præsens mors & imminens eternitas facile illum excent ad sufficien- tem peccatorum detestationem, eo præser- tum tempore, quo Deus athletis suis decife non solet. Alioquin voluntas patiendi pro Christo absque dolore de peccatis memoriae occurribus ( quando etiam simul solet obligatio poenitendi occurtere ) practice lo- quando non censetur sufficiens detestatio peccatorum: immo sic peccatorum memor potius yideretur offendam Dei pro nihilo ducere, & effectum erga peccata non mu- tare, de quibus advertenter non vult dole- re. Posset etiam cum voluntate patiendi ( que non necessariò est amor Dei super omnia ) affectus alicuius peccati mortalis confundere, v. g. fornicationis, mollitiei, inimicitiae. Vel alterius vitii, cui quis vehe- menter foret addictus, & cuius emandan- di quantumvis occurreret, non solet fa- cere propositum. Pro quo facit pavendum plane exemplum Sopricii Presbyteri, qui non obstante voluntate patiendi adhuc veteri odio flagrabat in Niccephorū, et si ipsum prope idem vibrante carnifice, Chris- tum negaverit, Nicephoro desertoris damna reparante. De quo *Bagnius ad annum 266*. Immo eti quis peccati non sit con-

sciens, pro securiori tamen etiam in Mar- tyrio curare debet, ne sine poenitentia mi- gret.

#### Q U A E S T I O . IV.

Quando conferatur effectus Mar- tyrii?

**R**ESP. valde credibiliter conferri in ultimo instanti vita, si hoc sit vita extrinsecum, ita ut homo desinat per ultimum sui esse: quia in eo consummatur Martyrium, nec aliquid sequitur inconveniens.

Si vero illud instans sit vita extrinsecum, ut habet communior philosophia, dicendum est, valde probabiliter effectum Martyrii conferri in aliquo instanti vel tempore mortem imperceptibiliter præcedente, quo Martyrium censetur moraliter consummatum, & quo Martyr ob desti- tutionem usus rationis peccare nequeat, aut certè Deus eum non peccaturum præ- videat. *Ica Lefus sup. n. 59.*

Nihilominus non est improbatum, ef- fectum Martyrii conferri statim, dum ho- mo habet vulnera que naturaliter de se sunt mortalia. Et quāvis tunc sēpē diu ante mortem conferretur ( cùm homo ac- cepto lethali vulnere, vel hausto veneno mortifero sēpē ad aliquod tempus natu- raliter supervivat ) nihil obstat: quia ad divinam providentiam spectabit, Martym in accepta gratia conservare, vel amic- sum per ordinata ei media restituere: prout hoc ad eamdem providentiam spectaret, si Deus Martym post acceptam Martyrii gratiam mortuum miraculosè resuscita- ret.

Est tamen parum probabile, quod vi- detur sentire *Caietanus 2. 2. q. 124. art. 4. circa solut. ad 4.* nempe Martyrii effectum conferri primo instanti post vitam finitam: nam tunc posset dari casus, quo mor- reretur quis inimicus Dei, & tamen salva- retur: daretur etiam momentum, in quo posset anima accipere gratiam, & non amittere; adeoque status merendi & de- merendi non essent pares.